



REPUBLIKA E KOSOVËS/REPUBLIKA KOSOVA

GJYKATA THEMELORE PRIZREN - DEGA E GJYKATËS SUHAREKË

---

C.nr. 05/2023

GJYKATA THEMELORE NË PRIZREN / DEGA NË SUHAREKË, me gjyqtarin Selajdin Gallapeni, dhe me bashkëpunëtorin professional Albatrit Bytyci, në çështjen juridiko civile të paditësit Q. K. nga fshati G., komuna Suharekë, i përfaqësuar nga avokati M. Q. nga Prizreni, ndaj të paditurit R. Sh. H. nga Shiroka, komuna Suharekë, por tani me adresë të panjohur, për shkak të pengim posedimit, në kuptim të nenit 142 paragrafi 2 dhe 5, të ndërlidhur me nenin 172 paragrafi 1 të Ligjit për Procedurën Kontestimore, më 29.5.2023, nxjerr këtë:

A K T V E N D I M

OBLIGOHET pala paditëse që në afat prej shtatë (7) ditësh duke filluar nga dita e pranimit të këtij aktvendimi ta plotëson padinë me adresën e saktë të palës së paditur, ose në të kundërtën:

OBLIGOHET pala paditëse që në afat prej 3 ditësh duke filluar nga dita e përfundimit të afatit shtatë (7) ditor të cekur si në pikën I të këtij aktvendimi, të deponon në llogarinë bankare të Këshillit Gjyqësor të Kosovës shumën e mjeteve prej 600.00 (gjashtëqind) euro, në emër të caktimit të përfaqësuesit të përkohshëm për palën e paditur, ashtu që pas kryerjes së këtij obligimi procedural, brenda afatit të dhënë, të njofton gjykatën me dëftesëdeponimin e mjeteve, në të kundërtën nën pasojat procedurale të parapara me Ligjin për Procedurën Kontestimore, respektivisht hedhjen poshtë të padisë të paplotësuar.

A r s y e t i m

Gjykata, me fletëkthesën e saj të datës 8.5.2023, ka tentuar që palës së paditur me adresën e cekur si në padi, t'ia dorëzon padinë dhe provat e bashkëlidhur të njëjtës, si dhe aktvendimin për dhënien e përgjigjes ndaj padisë.

Nga fletkthesa e gjykatës e kthyer më 10.5.2023, është konstatuar se pala ka udhëtuar jashtë shtetit – Kosovës.

Meqenëse adresa e palës së paditur nuk është ajo e shprehur në padi dhe duke qenë se tentimi i gjykatës për të komunikuar me këtë palë është për herë të parë, gjykata konsideron se padia e paditësit është jo e plotë në kuptim të nenit 99 paragrafi 2 të LPK-së, dhe si e tillë është kthyer në plotësim bazuar në nenin 102 paragrafi 1 të LPK-së.

Pala paditëse me rastin e kthimit të padisë në plotësim duhet të vepron konform pikës I të këtij aktvendimi, ashtu që të siguron adresën e palës së paditur, ose në rast dështimi, të deponon shumën e mjeteve me qëllim që të paditurit t'i caktohet një përfaqësues i përkohshëm nga radha e avokatëve, krejt kjo bazuar në nenin 387 paragrafi 1, shkronja o) të ndërlidhur me shkronjën q) të LPK-së, në të kundërtën nën pasojat procedurale të paraparë në nenin 391 paragrafi 1, shkronja g) të LPK-së.

GJYKATA THEMELORE NË PRIZREN / DEGA NË SUHAREKË

Departamenti i Përgjithshëm / Divizioni Civil

C.nr. 05/2023, datë 29.5.2023

Bashkëpunëtori profesional

Albatrit Bytyçi

Gjyqtari

Selajdin Gallapeni

KËSHILLË JURIDIKE: Kundër këtij aktvendimi nuk lejohet ankesë e veçantë bazuar në nenin 387 paragrafin 2 të LPK-së.